



明詩正聲卷之十一 七言古詩二

廣陵

盧純學


江一夔

校閱

貝翱

未央宮瓦頭歌

赤龍西飛入咸陽烏騅噴火焚阿房阿房已灰
騅亦逝渭水參差開未央未央宮殿中天起乃
公見之怒仍喜壯麗方推相國能萬戶千門從
此始南山相對雙闕開函關夜啓侯王來奉觴



上殿呼萬歲拔劍斫柱何雄哉玉階一污新都
復舊宅重開洛陽水東西照耀四百秋漢基半
與周基似長楊昨夜西風早錦繡椒塗跡如掃
誰言長樂殊未央回首青青千里草可憐遺瓦
至今存古今不剥莓苔痕銅雀有歌哀白日鴛
鴦無夢恨黃昏梁國老人愛竒雅錦囊得之百
金賈茆齋風雨伍陳玄猶作金人淚如瀉朝來
搨得寄江城舊物相看無限情白髮張衡足愁
思何人相與話西京

倪峻

王節婦歌

青春寶鏡鸞分日傷心淨洗鉛華飾堂前那有
舅姑依閨中獨抱孤兒泣孤兒漸解舒簡編夜
深自課青燈前剪刀聲響殘月墮鄰雞喔喔啼
霜天此時辛苦誰復識泉下有靈應歎息寒衾
孤幌三十年宿草荒墳幾回碧兒今已遂青雲
期栢臺獵獵風聲馳母年七十尚無恙蕭蕭素
髮垂銀絲推恩盛典行將及霞帔雲冠照萱室

君不見丹崖之松高十尋歷盡冰霜見顏色顏
色自不改寸心貞且堅吁嗟乎南山可移海可
填節婦之節不可遷

高棟

贈友漁樵歌

我本漁樵者結交青雲人朱門華館不下士青
山白屋歸來貧閑居愛與漁樵友每逐漁樵在
林藪兩屐松風萬壑間孤舟蘿月雙溪口朝與
漁者親暮與樵者隣山厨束薪煮白石野飯折

荷炮紫鱗春風行歌出林塢落日扣舷渡江渚
負策閑隨黃鳥吟濯纓時對騷人語世人結交
徒結名黃金不多交不誠羨君不交黃金貴却
友漁樵如弟兄白頭與我初傾蓋開口論心向
十載渭水稽山人已非鮑生仲父名空在往事
蒼茫不可尋越城斗酒惜離心醉向滄浪歌伐
木更從何處覓知音

賦得吳航渡送趙少府之京

君不見吳航渡河上蕭蕭多古樹樹根積石長

青苔應比昔人繁
舟處寂寞寒潮自往還
關河北望空雲山
天浮百粵榮光歇
海接三吳霸氣寒
吳王城闕幾千載
舸艦何年到閩海
危檣峻櫓逐飄風
今日吳航名尚在
江上年年春草新城頭
車馬往來頻
野鳥不知驚候吏
垂楊空自送行人
郎官匹馬趨京口
吳航渡頭飲君酒
輕舟應過闔閭城
為問樓船今在否

送鄉人王仲詢之永嘉司訓

楊花飛盡春三月
離人思繞楊花雪
一車行李

蕝京華千里鄉心指
閩越念我辭家一度春
春殘愁別故鄉人
銜杯祖道惜分手
羨子儒冠早致身
此行不用傷離索
一路雲山引鳴鐸
茂苑花邊疋馬遲
錢塘月下孤舟泊
五月揚帆入四明
永嘉百里候文星
白面書生向人語
黑頭博士解談經

孫炎

寶劍歌

寶劍光耿耿
佩之可以當一龍
只是陰山太古

雪為誰結此青芙蓉明珠為鐔錦為帶三尺枯
蛟出冰海自從虎革裹干戈飛入芒碭毓光彩
青田劉郎漢諸孫傳家惟有此物存匣中千年
睡不醒白帝血染桃花痕山童神全眼如日時
見蜿蜒走虛室我逢龍精不敢彈正氣直貫青
天寒還君持之獻 明主若歲大旱為霖雨

張仲簡

醉樵歌

東吳市中逢醉樵鐵冠欹髮飄蕭兩肩砭菴
何所負青松一枝縣酒瓢自言華蓋峰頭住足
跡踏遍人間路學書學劍摠不成惟有飲酒得
真趣管樂本是王霸才松喬自有烟霞具手持
崑岡白玉斧曾向月裡斫桂樹月裡仙人不我
嗔特令下飲洞庭春興來一吸海水盡却把珊
瑚樵作薪醒時邂逅逢王質石上看碁黃鵠立
斧柯爛盡不成仙不如一醉三千日于今老去
名空在處處題詩償酒債淋漓醉墨落人間夜
夜風雷起光怪

瞿佑

舊鏡歎

美人在時對鏡妝
美人去後鏡無光
玉臺零落白鳳皇
錦囊拋擲紅鴛鴦
夜深喑喑聞鏡語
何不持挂墳前樹
新人新鏡自相宜
舊物荒涼無所依

鄭元祐

題商德符贈周隱君圖

玉堂商公五色筆
硯坳能令海水立
終南泰華

春雲開草木
龍葱紫煙溼
仙人樓觀山之阿
中有采芝人
嘯詔待渡者
誰欲相過盤盤磴
道開煙蘿吳下周
君學仙久與公素為
方外友萬金持贈君
不顧得此夜光衝戶牖
自公騎箕君亦老
百靈與之護秘寶
藏之此山全不朽
長有空歌下蓬島

劉秩

裁衣行

裁衣須裁短短衣
短衣上馬輕如飛
縫袖須縫

窄窄袖窄袖彎弓不礙肘短衣窄袖時樣新殷
勤寄與從軍人願郎着衣便弓馬破敵長驅古
城下明年佩印披紫緋裁衣不比從軍時

姚廣孝

楊白花

楊白花雪同色最是無情況無力西蕩東飄意
難必斷送春光何太疾薄暮和烟點綠漪化作
浮萍自不知願托春風回故處為伊吹入深宮
樹

解縉

題文山上已詩卷

崖山雲寒海舟覆六載孤臣老燕獄東風杜宇
三月三五陵望斷春蕪綠墨花皇皇五十六寫
出江南怨萬斛當時下筆眼如虎日落天低鬼
神哭揚帆昔走儀真舩手持鰲柱擎南天間關
嶺海血洒檄回首家國隨飛烟六宮粉黛黃埃
裡曠火無光吹不起全軀肯學褚淵生嚼舌甘
為杲卿死薊門草碧春萋萋高官不換西山薇

哀吟一曲肝腸裂勁氣萬丈蛟龍飛當年恨殺
葛嶺賊恨不剗心食其肉堂堂忠義行宇宙白
日青天照遺墨落花寒食風雨時展卷如對龍
虎姿再拜酬公金屈卮有酒不讀蘭亭詩

曾榮

天廐神兔歌

天廐名馬不易得鳳臆龍髻秋兔色圉官廐養
十載餘云昔來自朝鮮國想當此馬初生時蛟
龍降精雷雨垂房星夜墮水盡赤雲霧下繞靈

風吹雄姿逸態真神駿踔躑蹄高雙耳峻目光
夾鏡炯方瞳汗血流珠膩紅暈朝鮮得此不敢
騎覆以黃氈獻赤墀廼知天廐蓋龍種如此萬
疋皆權竒今晨鞞出迥殊絕扈從鑾輿自超越
朝趨遠蹴交河水夕秣驕嘶薊城月君不見驊
騮驪羈古亦多老不一試將柰何駑駘無力枉
蹠躐俗馬有肉空羞我平生憐爾獨遭遇繡勒
金鞍照瓊署相期慎保不凡姿萬里長隨六龍
馭

月言上卷
卷之二
一
薊門老婦行

薊門老婦歌且行一曲斷腸多苦聲時時掩面
向人泣泣罷從前道姓名自言少小顏如玉金
縷羅襦鬪粧束先朝丞相重清歌教得新翻太
平曲雕房繡闥高差我五侯七貴時經過就中
艷色自無數俛首低鬟聽我歌行雲斷絕梁塵
起滿坐停盃驚且喜當筵一擲千黃金翻惡管
絃徒聒耳只言歡樂度青春不識人間賤與貧
向來風景一朝異翠鈿散落隨埃塵况今衰老

轉蕭索唯有茅廬傍西郭閑來還唱舊時歌不
覺一聲雙淚落人生安得長少年一貧一賤皆
自然銅山鑄錢終餓死古往今來何足憐

題楊諭德所藏王孟端瀟湘萬竹圖

王郎畫竹何神奇落筆便覺清風吹蛟龍怒爾
雷雨泣滄溟倒捲雲淋漓有時氣酣索紙筆兔
起鶻落誰能測縱橫滿眼金錯刀四座陰森冰
雪色九嶷峰高青入天洞庭水與三江連霓旌
翠羽半明滅至今遙拂蒼梧煙玉堂之居迴蕭

爽誰與此君同一賞關西美人襟抱清對此條
然絕塵想我亦生平愛竹流乘興欲作瀟湘游
何時汎舟弄明月推蓬却聽江南秋

車駕北征送右諭德金公扈從

寒雲慘淡邊城黑虜騎憑陵在東北天兵帶甲
八十萬千里長驅如霹靂平胡下詔親出征二
月龍輿發北京東風關塞旗旌影落日沙場鼙
鼓聲知君文采金閨彥扈從恩榮總堪羨龍泉
寶帶黑貂裘虎韞離弓白羽箭帳前獻俘報捷

歸帳中草檄筆若飛狼烟乍起雪載路羌笛橫
吹霜滿衣妖星夜墮氣蕭索席捲穹廬空大漠
橫行絕域拓封疆直過窮荒收部落歸來意氣
擅才雄凱歌先進明光宮豈知折衝在帷幄世
上空聞衛霍功

郭登

哀征人

天連隴水嗚嗚咽戰馬無聲寶刀折冤鬼慘酸
啼夜月青燐瑩瑩明又滅照見征夫戰時血

王傅

長歌行

有淚莫泣鮫人珠有足莫獻荆山玉赤心徒使
按劍猜至寶翻令笑魚目千金蹈海稱達人五
噫出關西去秦負芻不復遇知己空歌白石南
山春楚卿棄相復何有於陵甘作灌園叟雜縣
偶集魯東門惆悵胡能事杯酒長風蕭騷百草
殘長缺悲歌涕汎瀾金臺駿骨久已化瑤水風
波不可攀畏途羊腸能折軸緘書為謝雲間鵠

海上三花久負期醉歸謾托平原宿

短歌行

東風吹花墮錦筵綠楊半暎青樓烟主人自為
鴝鵒舞小妓更奏鴛鴦絃當杯入手君不醉落
日已在西山巔短歌一拍心茫然請看明鏡高
臺上何須白髮悲芳年

西亭夜送林六敏還山

今夜西亭月秋風梧葉涼故人蒞孤興別夢遶
林塘浮世相逢心草草羨君拂衣一何早百畝

風泉繞桂枝歸去南山跡如掃南山松桂北山
雲飲澗穿雲麋鹿羣窓間明月但高枕洞口飛
泉長對門知君自是悠悠者何須叩角歌長夜
鄭谷年來秋草稀鹿門誰伴白雲歸君行好覓
赤松子余亦將紉薜荔衣

將進酒

故人手捧金屈卮進酒與君君莫辭仲孺不援
同產服孟公肯顧尚書期當歌激風和結楚吳
姬白苧莫停舞黃河東走不復回白日經天豈

能駐田文昔日盛經過朝酣暮樂艷綺羅高臺
已傾曲池廢祗今誰聽雍門歌我有一曲側君
耳世事悠悠每如此子雲浪作投閣人賈生空
吊湘江水春風南國花滿枝莫待秋風搖落時
東山咲起徒為侶乘時莫負高陽池

塞下曲

君不見鴈門九月風如刀筋強蹄健羣胡驕邊
庭列嶂走烽燧旄頭夜出天山高陰磧茫茫走
千里刁斗聲沈塞雲紫重圍未破殺氣昏萬衆

同呼士心死起看壯士皆裹創援桴鼓之氣益
張三軍奮迅一敵萬斬胡血染天為黃自此匈
奴知姓字漢家盡雪穹廬恥可憐白首未封侯
一片雄心向誰是

古劍行贈周守

憶昔干將初鑄日五夜龍池飛霹靂秋水芒寒
鷺鶻膏虹光鏜吐蓮花質當年曾聞易水歌荆
卿不濟當如何從來相隨赤帝子颯颯秋郊泣
嫠鬼乃知神物用有時風雲變化誰能知祇今

蕭條潭水上白日往往蛟龍飛俠客相看魂欲
死一片雄心許知己別來夜夜匣裡鳴憶君清
淚如鉛水為君摩挲試相看劍歌有曲君莫彈
從來烈士皆如此茫茫萬古悲風寒

王恭

夷門懷古

策馬夷門道蕭條愁殺人魏王公子不復見大
梁宮殿隨灰塵七雄戈劍紛相擊秦兵已在邯
鄲陌晉鄙難迴朱亥槌如姬早中侯羸策春去

秋來百艸青古城落日烟塵生眼前不見抱關
者世上空傳俠客名秋天搖落多愁思信陵原
頭木應死誰見豪門愛士時唯有東流汴河水

王紱

吳姬留客行

吳姬年少纔十六能抱琵琶唱新曲愁連山黛
瑣青蛾汗透霞綃濕香玉問郎今去宿誰家郎
須聽妾彈琵琶吳城有酒不肯住巴姬未必顏
如花遲留那得情相與芳心一一絃中語空江

霜落叫征鴻孤棹風高響秋雨須臾彷彿臨三
湘切切哀猿堪斷腸巫陽雲暗楚臺曉故山不
見關山長彈到胡笳少三拍郎心欲去何匆迫
挽郎不住郎過船滿江月色秋潮白

題漁樂園

遙天雨歇明殘霞涼風颯颯吹薰葭晚來隨處
可棲泊五湖烟水皆吾家得魚且覓津橋酒旋
采溪毛雜菱藕除著沙鷗孰可親隔篷喚取鄰
船叟生計年年一葉舟全家不識別離愁婦能

斫鱸兒行盞一笛橫吹萬里秋

陳亮

送朱以義還樵川

六平客舍秋風早楓葉蘋花滿江島此時遊子
正思鄉束裝西向樵川道自言讀書三十秋竊
慕子長湖海遊匣中長劍且未用爨下枯桐非
有求鴈塔峰前忽相遇五旬能向滄洲住逸興
方尋幽壑雲離心已掛長亭樹憐君有志未獲
伸鍼砭猶言可濟人由來絕技堪醫國莫學韓

康終隱淪

胡奎

夢遊廬山

我有紫霞想夢遊匡廬峰仙人凌絕頂手掉金
芙蓉亭亭九天上疊嶂崩騰涌波浪五色雲中
白鹿鳴三更海底天雞唱懸崖瀑布從天來足
練倒界青天開高人自是陸脩靜邀我石磴行
莓苔九江秀色可攪結欲跨長鯨捉明月望斷
蓬萊青鳥書琪花落盡無人折飛身上挹香爐

烟坐卧九疊屏風前翻然拜余招五老一笑彷彿三千年松風泠泠吹夢覺鶴背高寒露華落蚤知此境隔塵凡只合棲神向丘壑何人寫此江上山云山與我心俱閒明當會碾飈輪去長謝時人去不還

浦源

送王濟民歸盤谷

官亭酒香柳花白下馬持觴送行客客歸江上愁更多春水雨中生綠波青山遙對揚子渡殘

日微明廣陵樹渡頭酒醒傷別離夜半舟人歌竹枝烏啼月落海天遠驛程已過淮陰縣楚鄉菰飯食有魚宵征在鞍宿在車中原漸近太行麓不知何處通盤谷一迳縈紆萬壑深始知舊宅隱雲林昔年泉谷渾無恙猿鶴猶存松桂長遺老家家懷故情相邀雞黍話平生樽前不問宦遊好只說山中農事早數畝何須負郭田郡中太守正求賢知君不肯入城市日逐漁樵向山水江南故人那可逢有書應寄南飛鴻

練安

水竹居詩

高人結屋修篁裡，軒戶玲瓏瞰流水。
庭臯月轉翠陰生，溪上風迴青浪起。
翠陰青浪映窓扉，曲徑苔深客到稀。
林下移床揮麈坐，沙頭繫艇釣魚歸。
柴門無事臨流敞，高臥支頤聽清響。
千山暮雨石泉通，一夜春雷籜龍長。
几席清幽俗事踈，波光盡日映圖書。
何年得遂辭塵塊，杖策相從此卜居。

唐泰

送舒從事歸瓊海

年少不得意，勸君須盡觴。
南天七月火雲熱，古道蟬鳴槐葉長。
翩翩疋馬辭鄉縣，豈為臨期淚如霰。
征旆飄飄君莫悲，戎衣慷慨人皆羨。
城陰相送白日斜，驛道南登瘴癘賒。
夢着還尋北堂草，醉來忘却東園花。
行色匆匆爾何苦，世上悠悠馬足數。
歲月休將鏡底過，功名好向刀頭取。
知君此去壯心橫，島夷卉服海塵清。
粵王臺上

垂楊色黎母山前斷鴈聲君不見絳灌却因屠
酤輩祇令青史傳其名

周玄

賦得宿猿洞送友人之湘中

怪石如雲起天上枯藤盤根垂百丈蘿深苔滑
鳥不栖索漠寒猿卧相向清秋倒樹風礮號初
日排雲雪岨壯醉客應為巫峽吟行人厭作巴
山望洞裡愁聲誰忍聞別時對此堪惆悵

胡儼

遠將歸

去年與郎別楊花飛白雪今年候郎歸楊柳綠
依依郎買舩下湘渚日日門前望行旅行人過
盡乳鴉啼徘徊日暮空延佇攬衣迴洞房對鏡
下新妝那知清漏短但愛明月光月光照席涼
於水帳裡燈花撒紅藥好事從來不妄傳明日
升堂報姑喜

張楷

隴頭吟

明詩山齋 卷之十一
玉門將軍秦隴客十載不歸頭半白
夜聞隴水憶秦關曉上城頭聽羌笛
笛聲嗚咽送邊愁隴水滔滔日夜流
壯士三千豪氣盡家人翹首望封侯
年年虛建平胡策依舊黃沙隴水頭

程國儒

信州糧謠

信州糧糧何艱十鍾一石萬里間
朝發錢王堤暮過嚴子灘
拖尾白浪如銀山朝度蘭溪洲暮泊龍丘灣
峻如牽車上鬼關督吏持檄夜如箭

布帆無風河水乾去年糧舩未及岍
今年又運八百萬只知彼地荒不知浙東天
亦旱只知彼地饑不知役戶家無飯
家無飯儂莫愁額化鐵騎為耕牛額銷鋒
鏑為鋤耰戰場闢作畝與溝壯士負戈荷甲歸
西疇風雨時調禾黍秋禾黍不秋飯不足
浙東又移何郡粟

唐文鳳

遊子吟

朝為遊子吟暮懷遊子悲
遊子去日遠慈母將

疇依母髮白如雪子心皎如月但得子心如月
圓照母白髮高堂前

上東門行

上東門在何所河陽城南瀍水滸舊時豪華今
已空惟有當年一坏土聞說漢家全盛秋門前
列第皆王侯朱輪翠轂日來往凝笳疊鼓長喧
啾畫棟雕簷接宮觀十里香塵飛不斷天子頻
頒丹詔下民間屢免田租半白髮老人不識兵
閭閻小兒歌太平鬪雞走馬尋常事豈有紛紛

愁嘆聲乞歸二傳章初上曾此公卿盛供帳道
傍觀者如雲屯雜綵從車凡幾輛韶華轉眼流
星過倏忽荆棘埋銅駝逢萌挂冠今已矣石勒
倚嘯將如何往事傷心難自保惆悵東門不能
道君不見北邙山頭四五陵玉匣珠襦委荒草

史鑑

秦淮歌

停君金叵羅聽我秦淮歌長江西來幾千里沿
泗直入臺城裡浮青蕩綠南北流至今猶號秦

淮水秦淮之水能容舟秦淮之上花滿樓美人
卷簾垂玉鈎太白仙人清夜遊酒酣乘月往石
頭棹歌渡淮水倒披紫綺裘英風撼山岳豪氣
隘九州邇來四千四百九十五甲子無人繼此
移山倒海之風流水光依然月如故斷雲零亂
令人愁豈無清歌與美酒與子碌碌誠堪羞我
歌秦淮歌送君秦淮去城西酒樓在何處主人
今非舊孫楚且須痛飲歌達曙歌醉方寢
笑壓吳姬股為枕滿身糝糊覆宮錦明年我亦
泛秦淮手解金龜就君飲

劉績

大堤曲

春風起大堤歷亂樓前柳樓頭多女兒解勸襄
陽酒襄陽估客足黃金百千爭買女兒心茱萸
帳薄燈光透翡翠衾重蘭氣深蘭氣未銷燈未
滅合歡交綰丁香結良宵一刻惜如金黃金易
擲情難歇前船南商去後舩北商來不知粧鏡
匣今夕為誰開

送周明德應言之京師

閭門柳條未堪折，只宜相見不宜別。人生踪跡各東西，半是車輪與馬蹄。把酒送君城北路，曉日鴉啼烏柏樹。一聲歌罷淚滿巾，僮僕催人上塘去。願為轆轤纏青絲，轆轤可展心不移。男兒出處自有分，與君那得不相離。官家有程行莫緩，後夜相思月還滿。

于謙

古意

妾顏如花命如葉，嫁得良人傷遠別。別來獨自守空閨，夜夜焚香拜明月。月缺重圓會有期，人生何得久別離。願將身托蟾蜍影，照見良人不寐時。

周序

野田行

萋萋芳草白楊路，落日平原聚狐兔。斷碑蝕土已無文，傷人言是將軍墓。將軍未死竭忠良，將軍既死多感傷。萬年千載一坏土，事勢殊異今

荒涼子孫遠矣人莫識亦有栽桑與栽麥雍門
引琴為誰悲能不歛歔嘆陳迹



